

~~14~~
145

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T9297.1100 B.



至治卷第一百八十五

浚儀王應麟伯厚甫

食貨

會計

禹會計

史記禹會諸侯江南計功命曰會稽會計也
傳注吳越春秋曰禹登茅山大會計理國之道更名
其山曰會稽

周司會 歲會 月要 日成 土會

禮天官司會中大夫二人下大夫四人上士八人中

哈佛大學漢和
圖書館珍藏印

政致事。州長黨正。族師遂大夫。鄙師歲終會政。

縣正既役則稽功會事而誅賞。泉府歲終會其出

入而納其餘。舍人歲終會計其政。巾車歲終則

會車之出入。占人歲終則計其占之中否。大司

馬受其要。大司寇盟書司會受其貳藏之。小司

寇命其屬入會。司民民數司會貳之。士師歲終

則令正要會。司馬於要則受之
士師於要則任之

管子曰。歲一言者君也。時省者相也。月稽者官也。

易氏曰。冢宰天官之長也。歲終受歲會而無月要之

文。小宰天官之貳也。月終受月要而無日成之文。宰

會計

夫天官之攷也。旬終正日成而無參互之文。三官各

舉其一而司會乃攷其全會之欲其詳也。歲會以統

月要。月要以統日成。日有成日攷之也。宰夫受之

月有要月攷之也。宰夫令之而小宰受之。歲有會歲

攷之也。小宰贊之而大宰受之。考績設官其序如此。

尊者總其綱。卑者舉其目。

周九式 式法 太府式法

禮大宰以九式均節財用。祭祀賓客喪荒羞服工事

幣帛芻秣匪頒好用。注式謂用財之節度。小宰執

九式之貳以均財節邦用。司會以九式之灋均節

萬曆丁亥年

監生系國綱刊

財用 司書掌九職九正九事以周知入出百物叙其財受其幣注九事謂九式鉤考財幣所給及其餘見為之簿書疏九式言用財九事所為之事其理一也 宰夫以式灋掌祭祀之戒具薦羞 酒正以式灋授酒材以酒式誅賞 大府凡頒財以式灋授之注此九賦之凡式貢之餘財以共玩好之用注謂先財給九式者 給九式及弔用足府庫而有餘財乃可以共玩好 職幣以式灋斂幣 職歲以式灋出財 掌皮以式灋頒皮革 委人以式灋共祭祀之薪蒸木材注故事之多少也 廩人掌九穀之數以待國之匪頒賙

會計

賜稍食注賙賜謂王所賜予給好用之式 舍人以灋掌其出入歲終會計其政 典婦功掌婦式之灋注法其用財舊數

周計簿

禮大司徒歲終則令教官正治而致事注上其計簿士師歲終則令正要會注定計簿 小司徒大比則受邦國之比要注要謂其簿 天府治中注謂其簿書之要天官司書受其幣數內執其總皆簿書也 小宰八成聽師田

以簡稽聽出入以要會注稽猶計也計其士之卒伍閱其兵器為之要簿要會謂計最之簿書月計曰要

歲計曰會。疏云：計吏其使人計簿其文書也。
收攬而丞納要也。注：因祭社以納五穀之要。

周役要

地官鄉師以周比之。灋時稽其夫家之衆寡，辨其可任與施舍者。大役則帥民徒而至，治其政令。既役則受州里之役要，以攷司空之辟，以逆其役事。注：役要，所遣民徒之數，辟，功作章程。小司徒凡起徒役，毋過家一人，以其餘爲羨。唯田與追胥竭作。大宰八則，八曰田役，以馭其衆。小宰六聯，五曰田役之聯事。八成，一曰聽政役，以比居。注：鄭司農云：比居謂伍

魯語

籍比地爲伍，四內政寄軍令，以伍籍發軍起數。

方氏辨數要。司徒正要會。司書及事成，則入要。

大司馬大役與慮事。築城邑也屬其植，受其要。詞，

士師歲終令正要會。左傳：昭三十二年，士

彌牟誓成周，屬役賦文書，以授帥。

周比灋 比要 大比 九比

禮：小宰八成，一曰聽政役，以比居。注：伍籍也宮正比宮

中之官府次舍。小司徒稽國中四郊都鄙之夫家

九比之數。元謂九比者，家率數乃頒比法於六鄉之夫

夫，使各登其衆寡六畜車輦，辨其物，以歲時入其數。

三年則大比大比則受邦國之比注大比請簡也

鄭詞農云五家為比故謂其比為名乃會萬民卒伍而

用之鄉師以國比之法時稽夫家眾寡受州里之

役要正歲稽其鄉器若國大比則攷教察辭稽器展

事以詔誅賞鄉大夫三年則大比攷德行道藝興

賢能州長三年大比大攷州里贊鄉大夫廢興

黨正以歲時涖校比注如小案比對三年大比為小漢法

族師以邦比之法帥四閭之吏以時屬民校登夫家

眾寡閭胥既比則讀法縣師大比則攷群吏

均人大比則均力政遂大夫大比則帥吏興

縣正掌比以頒田里鄭長比眾寡以治祭祀之事

里宰比其邑以治稼穡秋官司民大比以民教

詔司寇司寇及孟冬獻于王小司寇大比登民

自生齒以上登天府王制冢宰制國用必於歲

抄注制國用必於歲後漢紀安帝元初四年詔方今案比之時注八月

案比案戶口次比之禮儀志仲秋之月縣道皆案

戶比民江革傳每至歲時縣當案比注案驗以比

之猶今完閱後漢書論漢法常因八月案民

就篇穎川臨淮集課錄注諸郡各上其計總會京師

急

次其名錄

漢甘泉明堂受計 計相 計簿

帝紀武帝元光五年八月詔吏民有明世務習禮者令與計偕師古注計者上計簿使也郡國每歲遣

諸京師上之元封五年三月至泰山甲子祠高祖明

堂因朝諸侯王列侯受郡國計太初元年祠后土春

還受計于甘泉在受郡國所上計簿若今之諸州計

帳天漢三年三月幸泰山祀明堂因受計太始四年

三月幸泰山壬午祀明堂因受計武帝受計于南

宣帝黃龍元年二月詔曰方今天下少事而民多

貧盜賊不止其咎安在上計簿具文而已御史察計簿疑非實者按之

列傳張蒼高祖六年為計相後更以列侯主計蒼自秦時為柱下御史明習天下圖

書計籍今以列侯居相府領主郡國上計者石慶

元封四年上報曰間者河水滔陸惟吏多私征求無

已故為流民法以禁重賦今流民愈多計文不改

司馬談為太史公注如淳曰漢儀注天下計書先上

太史公副上丞相云云嚴助為會稽太守上書願

奉三年計最注如淳曰舊法當使丞奉歲計今助自

欲入奉之晉灼曰最凡要也朱買臣隨上計吏詣

萬曆丁亥年 監生茅文徵刊

關上書注郡國丞長吏與計吏俱送計也 貢禹言

武帝時郡國擇便巧史書習於計簿能欺上府者以

為若職 康衡封僮之安樂鄉屬臨淮郡建始元年郡乃

定國界上計簿更定圖言丞相府集曹掾陸賜以為

舉計令郡實之師古注舉發上計之簿司隸校尉駿奏衡位三

公輔國政領計簿知郡實正國界計簿已定而背法

制專地以自益賜猥舉郡計亂城縣界附益大臣

文翁為蜀守選小吏遣受業博士省少府用度買刀

布蜀物齊計吏以遺博士循吏王成為膠東相卒

官後詔使丞相御史同郡國上計長吏守丞以政令

得失或對言前膠東相成偽自增加以蒙顯賞 黃

霸為丞相張敞奏霸曰丞相請與中二千石博士雜

問郡國上計長吏守丞為民興利除害成大化條其

對有耕者讓畔男子異路道不拾遺及舉孝子正婦

者臣恐各為私教澆淳散樸有名亡實宜令貴臣明

飭長吏守丞天子使侍中臨飭上計吏如敞指意

後光武紀建武十四年夏四月越雋人任貴自稱太

守遣使奉計注着今計帳傳云長貴遣使上三年

計 張堪傳光武召見諸郡計吏問風土及前後守

令能否蜀郡計掾樊顯進曰張堪昔在蜀仁以惠下

云云拜顯魚復長。

周禮疏漢時八月案比而造籍書周以三年大比未
知定用何月。

漢上計律

周禮典路鄭注云漢朝上計律陳屬車於庭疏云漢朝集使

上計會小宰歲終令群吏致事注云若今上計也

衛宏漢舊儀朝會上計律常以正月旦受羣臣朝賀

天下郡國奉計最貢獻歲終遣吏臨計正月旦天子

皆在表元狩二年上谷太守郝賢坐計謾免師古

簿欺說苑晏子治東阿三年明上計新序魏文

侯東陽上計錢布十倍左傳臧會為賈正計於季

氏注逸齊五官之計秦昭王拜王稽河東守三

歲不上計漢郡守上計蓋秦制也

漢郡國上計又見前

後百官志大鴻臚郡國上計屬焉刺史初歲盡詣京

都奏事中典但因計吏郡國常以春行縣勸民農桑

振救乏絕秋冬遣無害吏案訊諸囚平其罪法論課

殿最歲盡遣吏上計注盧植禮注曰計斷九令長秋

冬集課上計於所屬郡國胡廣曰秋冬歲盡各計

多少上其集簿丞尉以下歲詣郡課校最殿百官志注又載漢舊儀曰

元壽二年以丞相為大司徒郡國守長吏上計事竟

遣公出庭上親問百姓所疾苦記室掾史一人大音

讀勅曰云云和紀永元十四年初復郡國上計補

郎官注舊制使郡丞奉歲計列傳陸康守廬江遣

計奏奏疾不得會上計掾廣漢段恭因會上疏楊秉

威帝時郡國計吏多留拜為郎秉上言計吏無復留

拜者皇甫規舉上計掾公孫瓚舉上計吏趙

壹光和元年舉郡上計到京師時司徒袁逢受計計

吏數百人皆拜伏庭中莫敢仰視壹獨長揖逢延置

上坐因問西方事劉翊舉上計掾建安中劉劭

為計吏詣許巴郡板楯叛問益州計吏考以征討

方畧漢中上計程包對云云南蠻建武十四年邛

穀王長貴光武紀遣使上三年計授越雋太守西南

夷三輔決錄注竇叔高以明經為郡上計吏朝會

數百人云云周禮注若今計文書斷於九月小行

人注今時詔書或曰齋計吏掌皮疏云漢

朝集使謂之上計吏上一年計會文書及功狀小宰

疏

晉武帝泰始五年正月癸巳申戒郡國計吏守相令

長務盡地利禁游食商販 王渾傳帝訪王渾元會

問郡國計吏方俗之宜渾曰舊三朝元會計吏詣軒

下侍中讀詔計吏跪受 云云 察其答對以觀計吏人

才之實 左傳戎朝于周發幣于公卿注如今計獻

詣公府卿寺疏曰晉時諸州年終遣會計之吏獻物

於天子

北史蘇綽傳牧守令長非通六條及計帳者不得居

官

漢郡國錢穀簿

後志大司農郡國四時上月旦見錢穀簿

陳平傳

文帝朝而問右丞相勃天下錢穀一歲出入幾何勃

謝不知左丞相平曰問錢穀責治粟內史 黃霸傳

領郡錢穀計簿書正以廉稱 周禮注祿田亦有給

公家之賦貢若今時侯國有司農少府錢穀 司勳注

公侯伯子男必足其國禮俗祭祀之用乃貢其餘若

今度支經用餘為司農穀矣 大司徒注

桓譚新論漢百姓賦歛一歲為四十餘萬萬吏俸用

其半餘二十萬萬藏於都內為禁錢少府所領園地

作務八十三萬萬以給宮室供養諸賞賜

唐計帳 開元戶部帳 三司

六典一歲一造計帳。三年一造戶籍。縣成于州。州成于省。戶部總而領焉。武德六年三月，令每歲一進帳。三年一造籍。後魏蘇綽制計帳戶籍之法。顏師古漢書注計若今之諸州計帳。地
 理志開元二十八年，戶部帳凡郡府三百二十八縣，千五百七十三戶，八百四十一萬二千八百七十一口，四千八百一十四萬三千六百九十九。應受田一千四百萬三千八百六十二頃。食貨志初乾元末，天下上計百六十九州，戶百九十三萬三千一百二十四。不課者百一十七萬四千五百九十二口，千六百九十九萬三千八百八十六。不課者千四百六十一萬九千

會計

五百八十七。減天寶戶五百九十八萬二千五百八十四口，三千五百九十二萬八千七百二十三。元和
 中，供歲賦者浙西浙東宣歙淮南江西鄂岳福建湖南八道，戶四百十四萬。比天寶纔四之一。兵食於官者八十三萬，加天寶三之一。通以二戶養一兵。京西河北以屯兵廣無上供，至長慶戶三百三十五萬，而兵九十九萬，率三戶以奉一兵。至武宗即位，戶二百一十一萬四千九百六十。會昌末，戶增至四百九十五萬五千一百五十一。宣宗既復河湟，天下兩稅權酒茶鹽錢歲入九百二十二萬緡。歲之常費率少三

百餘萬有司遠取後年乃濟。舊紀開元十四年五月癸卯戶部進計帳今年管戶七百六萬九千五百六十五管口四千一百四十一萬九千七百一十二二十年戶部計戶七百八十六萬一千二百三十六口四千五百四十三萬一千二百六十五天寶元年天下郡府三百六十二縣一千五百二十八鄉一萬六千八百二十九戶部進計帳戶八百五十二萬五千七百六十三口四千八百九十萬九千八百。通典按天寶中天下計帳戶約有八百九十餘萬計租稅庸調每歲錢粟絹綿布約得五千二百二十餘萬

會計

端疋屯貫石諸色資課及勾剝所獲不在其中其度支歲計粟則二千五百餘萬石布絹綿二千七百餘萬錢二百餘萬自開元及天寶開拓邊境軍用日增糴米粟三百四十萬匹段給衣則五百二十萬別支計二百十萬餽軍百九十萬石大凡二千二百六十七萬而錫賚不與焉府藏雖豐閭閻困矣。列傳張行成代計吏集京師。裴諝拜河東鹽鐵使入計問權酤利歲出內幾何諝不對。柳冕疏聖唐稽古天下朝集三考一見皆以十月上計京師十一月禮見會尚書省。大曆十四年勅諸州刺史入計如式。官志度支掌租賦物產

萬曆十六年

三母大行八十五

一三

監生程登憲

豐約之宜水陸道涂之利歲計所出支調之乾元元年十月

第五琦改戶侍帶專判度支自是為故事藝文志刑法類度支長行旨

五卷開元二十四年三月六日戶部奏州府諸司計

列傳崔仁師遷度支郎中口陳移用費數千名詔

杜正倫持簿使對唱無一謬太宗奇之許孟容正

元十九年旱言今戶部錢非度支歲計本備緩急取

一百萬緡代京兆一歲賦則京師無流亡裴度陳

調兵食非宰相事請罷度支歸有司奏可文宗時

元和十三年十月中書門下奏三司錢物至年終各

具所入所用數分為兩狀以二月聞奏

唐元和國計簿

藝文志李吉甫元和國計簿十卷元和百司舉要一

卷會要憲宗元和二年十二月史官吉甫等撰總

計天下方鎮四十八道管州府二百九十五鎮縣一

千四百五十三見定戶二百四十四萬二百五十四

其鳳翔鄜坊邠寧振武涇原銀夏靈鹽河東易定魏

博鎮冀范陽滄景淮西淄青一十五道七十一州並

不申戶口數自外每歲賦入倚辦止於浙西東宣歙

淮南江西鄂岳福建湖南八道合四十九州一百四

十四萬戶比天寶稅戶四分減三天下兵戎仰給縣

萬曆十六年

官八十三萬餘人比天寶士馬三分增一大率兩戶資一兵其他水旱所損征科妄歛又常在役外以十二月上之凡十卷

舊紀元和二年十二月巳卯史官

李吉甫撰元和國計簿成書十卷舊史又云李吉甫與史官等錄當時

戶賦兵籍凡十卷**百官志**比部京師倉庫三月一比諸司

諸使京都四時會于尚書省**中興書目**元和國計

略一卷吉甫以元和間諸道兵將戶口賦入之數總為書

唐大和國計

志職官類韋處厚大和國計二十卷以理財制用為國之本撰以獻

會計

唐占額供軍二圖

王彥威傳在開成初一本云二年為戶部侍郎判度支嘗

見文宗顯奏曰百口家知有歲計軍用一切可不謹

耶臣自典計司按見管錢糧文簿皆量入為出軍國

所用隨色占費終歲無毫釐差因上占額圖又言至

德訖元和之初天下觀察十節度者二有九十防禦

者四經略者三大都通邑皆有兵凡八十餘萬長慶

籍戶三百五十萬而兵乃九十九萬率三戶資一兵

今舉天下之入歲三千五百萬上供者三之一又三

之二則衣賜仰給焉自留州送使外餘四十萬眾皆

萬曆十六年

監生張應麟

一

監生張應麟

仰給度支。又為供軍圖上之彥威。雖自謂捷扼姦冒。著定其費於利害無益也。藝文志職官類王彥威

占額圖一卷。舊紀開成二年正月庚寅進供軍圖

食貨志穆宗置南北供軍院而行營軍十五萬。不

能充兩鎮萬餘之眾。饋運不能給。帛粟未至。諸軍或

彊奪於道。長慶二年三月張平叔為戶侍依前判度支時幽鎮行營仰給度支者十五餘萬人

自河北置供軍院布帛衣賜不至供軍院處為諸軍彊奪王遂傳遷西北供軍

使。一本云元和十三年七月王遂為淄青行營供軍使裴識傳王師討劉稹

為供軍使。咸通八年十月度支奏自南蠻用兵置

供軍使。

至道三司著籍

元年五月壬子。上召三司孔目官李溥等二十七人

問以計司錢穀之務。溥等盡言其利病。願得條對許

之。送中書。令宰相假以顏色。令剖析。寇準曰。先有司

之義也。已未。溥等條上三司利害七十一事。中書參

校其四十四事可行。一本云四十二事遂著于籍。其十九事

令陳恕等議定而後行之。

金耀門文書庫。藏三司帳籍。元豐有六曹架閣庫。紹

興三年建庫。十五年置官四員。嘉定八年七月。三省

亦置。

至道版籍式

元年六月己卯詔重造二稅版籍頒其式於天下

咸平占額圖

咸平三年十一月壬午鹽鐵使陳恕上占額圖五年四月詔三司每年比較天下錢穀數於次年條奏

景德會計錄

景德四年七月丙子權三司使丁謂言戶部狀景德三年戶口數摠戶七百四十一萬七千五百七十九比咸平六年計增五十五萬二千四百一十戶二百萬二千二百一十

會計

四口賦入之數摠六千三百七十三萬一千二百二十九貫石匹斤比咸平六年計增二百四十六萬

五千二百九切以版圖之設生齒必登所以一其租

庸辨其衆寡前朝丁黃之數悉載縑緗國家幅員萬

里阜成兆民惟國用之缺書由有司之曠職臣今以

景德三年民賦戶口之籍較咸平六年具上史館望

歲較其數以聞從之三年十一月三司使丁謂始立比較轉運之法八月丁

巳丁謂上景德會計錄詔獎之以其書付祕閣凡六

卷一戶賦二郡縣三課入四歲用五祿食六雜記衆

務之劇莫先會府歲收兩京十七路圖籍四萬四千

萬曆丁亥年

監生

百一十七日入事一千五百移文倍之十二月詔諸道軍儲之數籍于密院初咸平五年四月壬午詔

三司置籍較天下戶口之數

中興書目共六門摠

四十日集戶賦郡縣課入歲用祿食出納之數以一

歲為準張方平曰慶曆五年諸路鹽酒商稅歲課

比景德會計錄增三數倍以上

祥符閱元和國計圖

祥符三年八月甲寅召近臣觀書于龍圖閣閱元和國計圖三司使丁謂進曰唐朝自江淮歲運米四十萬至長安今江淮歲運米五百餘萬即今府庫充實

會計

倉庾盈衍上曰民康俗阜誠賴天地宗廟降祥而國

儲有備亦自計臣宣力也崇文目地里有元和國

計圖一卷盛度為鹽鐵判官奉詔編祖宗朝沿革

制置勅三卷天下戶口賦稅目別為一卷

祥符會計錄

祥符九年正月辛酉林特上凡三十卷詔獎之仍付

祕閣特前為三司使特拜三司使真宗賜詩寵之奉詔纂大中祥

符八年天下戶口財賦凡戶八百四十二萬二千四

百三口一千八百八十萬一千九百三十計入兩稅

錢帛糧斛二千二百七十六萬四千一百三十三綿

絲鞋草二千二百八十三萬六千六百三十六茶鹽酒稅權利錢帛金銀二千八百萬二千癸亥發內藏錢五十萬給三司特又為東封西祀朝謁太清宮慶賜惣例二十六卷

慶曆會計錄

書目二卷慶曆三年三司具在京出納及十九路錢帛芻糧之數景德中鹽課收三百五十五萬緡慶曆五年七百十五萬緡景德中商稅收四百五十萬緡慶曆五年收一千九百七十五萬景德中酒課收四百二十八萬緡慶曆五年收一千七百一十萬

會計

慶曆元年八月戊子詔御藥院內東門司取先帝時及天聖初帳籍比較近年內中用度增損之數以聞六年七月甲申三司使王拱辰言太祖時兵十二萬太宗時十八萬章聖時四十萬今遂倍之三司雖總大計而事寔在外乙酉乃詔大名并州永興帥臣兼本路計置糧草事

皇祐會計錄

書目田况撰六卷每卷別為題辭皇祐二年田况為三司使約景德會計錄以今財賦所入多於景德其歲所出又多於所入因撰皇祐會計錄略依丁謂

所述集成六卷。一戶賦。二課入。三經費。四儲運。五祿賜。六雜記。其出入之數。取一年冢中者為準。如謂所錄郡縣疆理。復以宮館祠宇附焉。此皆不取。至於糧芻運餽國之大計。特爲儲運一篇。補其缺。上嘉之。况爲三司使。金穀利害。纖悉脩舉。議者謂三司使自陳恕。李士衡之後。惟况稱職。崔伯易曰。以皇祐之書較景德之錄。雖增田三十四萬餘頃。反減賦七十一萬餘斛。

皇祐二年正月壬子。命學士承旨王堯臣。都知王守忠。右司諫陳升之。與三司較天下每歲財賦出入之

會計

數。以聞。四年正月。堯臣等較慶曆皇祐總四年天下財賦出入。凡金幣絲纊薪芻之類。皆在其數。參相耗登。皇祐元年入一億二千六百二十五萬一千九百六十四。而所出無餘。爲書七卷。丙辰。上之。詔送三司取一歲中數。以爲定式。二月癸未。命中丞王舉正。與三司同詳定冗費。至和元年八月丙申。知諫院范鎮言。願詔大臣考求祖宗朝。逮天聖中。官吏與兵及天下賦入之數。而斟酌裁節之。嘉祐三年十一月癸酉。命學士韓絳等詳定減省冗費。十二月乙巳。詔三司每歲上天下歲賦之數。自今三歲會其盈虧。以聞。六

年諫官司馬光言民既困而倉廩府庫又虛為今之術在隨材用人而久任之在養其本原而徐取之在減損浮冗而省用之願復置總計使之官使宰相領之凡天下金帛錢穀隸於三司如內藏奉宸庫之類總計使皆統之昔舜舉八愷使主后土奏庶艱食懋遷有無地平天成九功惟叙周禮冢宰以九職九賦九式九貢之法治財用唐制以宰相領鹽鐵度支戶部國初亦以宰相都提舉三司水陸發運等使則錢穀皆宰相之職也

李德裕曰人君不以聚貨制用之臣處將相弼諧之任則姦邪無所

容俞獻卿言庖不盈者漏在下木不茂者蠹在內

會計

治平會計錄

治平四年九月五日庚辰

神宗已立

三司使韓絳上治平

會計錄六卷詔獎諭內外歲入一億一千餘萬出一

億二千餘萬諸路積一億萬而京師不與時兵數少

損隸籍者猶百十六萬而宗室吏員視皇祐亡慮增

十之三

志蔡襄治平會計錄六卷

書目八卷治平中編具經常出入之數分三秩上秩

戶口賦稅中秩應奉上供下秩諸色經費

寶元二年宋祁言去三冗節三費專備西北之屯

熙寧會計式

見後

熙寧三司會計司

熙寧七年十月庚辰詔三司置會計司以宰臣韓絳提舉先是絳奏三司總天下財賦其出入之數並無總要考校盈虛之法欲選官置司以戶口稅賦場務坑冶河渡房園之類租額年課及一路錢穀出入之數歲校增虧以能否為黜陟三司使章厚亦言財賦帳籍汗漫無以察耗登之數請刪修為策校增虧考能否故有是命八年九月庚午罷會計司從絳請也

元豐議經費

元豐三年十一月二十一日壬子曾鞏議經費曰景德戶七百三十萬墾田一百七十萬頃皇祐戶一千九十萬墾田二百二十五萬頃治平戶一千二百七十萬墾田四百三十萬頃天下歲入皇祐治平皆一億萬以上歲費亦一億萬以上景德官一萬餘員皇祐二萬餘員治平并幙職州縣官三千三百餘員摠平一千三百萬以二者校之官之衆一倍於景德郊之費亦一倍於景德七年十二月十六日詔朝廷封

萬曆丁亥年

益生注

椿錢物令尚書省歲終具旁通用冊進入

元祐會計錄

元祐元年四月十八日左正言朱光庭請置局取戶部天下一歲出入與三年郊費四夷歲賜凡百經費會計可省者省之量入為出著為令式詔戶部相度二年七月戶部言三司即今戶部之職自景德皇祐治平熙寧並修會計錄事日類分出納具見宜復講修以備觀覽詔可三年閏十二月庚戌戶部尚書韓忠彥侍郎蘇轍韓宗道等言編成元祐會計錄大氏一歲天下所收錢穀金帛等物未足以支一歲之出

多取費用詳加裁節多不傷財少不害事詔浮費並

行裁省忠彥等請仰法寶元慶曆節用裕民自宮禁

始前後裁減浮費約及二十餘萬貫李常傳有元

祐會計錄三十卷蘇轍元祐會計錄叙曰景德皇

祐治平熙寧四書網羅一時出內之計首尾八十餘

年凡計會之實取元豐之八年其別有五一日收支

二曰民賦三曰課入四曰儲運五曰經費五者既具

著之以見在列之以通表若內藏右曹之積天下計

椿之實非昔三司所領不入會計將著之它書蘇轍

請去三月奏

宣和兩浙會計總錄

七年八月十七日兩浙運副程昌弼奏漕司以計度經費為職臣分別科目使多寡出入盈虛登耗之數可指諸掌請詔臣編纂宣和兩浙會計總錄敘之郡縣從之

靖國元年右司員外郎陳雍進國用須知言廣恩惠以順人心有益之事也國邊費而壞成法無益之舉也也以往之費不可追究未然之費所宜會大觀中河北漕臣任諒著河北根本錄凡戶口升降官吏增損與一歲出納奇贏之數皆披籍可見

紹興會計錄

紹興五年殿中侍御史張絢言周制國用之法在用地小大視年之豐耗量入以為出漢祖定天下之本在於得秦圖籍周知四方盈虛強弱之實是知國之財用必得節制之法節財之要必資會計之書所以察其登耗量其多寡參酌損益因時制宜故用度有常而民力不困也國家景德皇祐皆有會計錄至治平熙寧間亦有此書其後蘇轍又仿其法作元祐會計錄雖言未及上其大略亦可觀皆所以揔括巨細網羅出納凡天下賦入與官吏養兵之數章條各立

支費有限謹視其書上下遵守此作會計錄之本意也國家比年以來財賦浸虛用度滋廣正宜括歲入之厚薄計歲出之多寡分其品目別其名色摠貫旁通載之圖冊揆考之間如運諸掌斯可以裁減浮費增益邦賦今日之先務也伏望明詔大臣選委詳練財賦之官俾倣景德皇祐等書撰進成錄自紹興元年止四年為率以每歲所入之數列之於前却以今年計之除預借已支費外摠計見今年入實有之數合計若干復以日下至歲終凡官吏之費養兵之費及應于合用錢物通計若干名曰紹興會計錄皇公

為出既可以見有無之實絕長補短斯可以制裁損之宜庶幾國用有節云閏二月己酉詔戶部撰集紹興會計錄其後戶部第具去歲收支數以聞而已四月戊申戶部奏出入之數以為皇祐治平會計天下財賦當時取會動經歲月方可成錄故但具去年出入之數

國朝時令季冬之月命有司造計籍注云周禮小宰聽出入以要會鄭司農曰要會謂計日取之簿書日計月要歲計月會故宰夫之職曰歲終則令群吏正歲會月終則令正月要禮記冢宰制國用必以歲之

王海卷之百八十五
二十五
秋唐六典度支掌判天下財賦多少數物產豐約之
宜水陸道路之利每歲計其所出而支其所用淳化
中詔三司諸道歲計所入悉具數摠計司置籍錄之
其諸路歲終所收財賦置籍出納亦如之景德中令
三司每歲較天下稅帳耗登以聞紹興戊午之歲光
堯嘗以六策詢于宰執觀當時大臣所對財用出入
之數可見宣和初國家月費九十五萬紹興三年月
費一百六十萬今以紹興初爲率通一歲計之國家
定費計一千五百二十萬此皆當時大臣所對財用
所出之數也宣和初榷貨所入淮南鹽利二千四百

會計

五萬兩浙鹽利計七百八萬今淮浙路所入之鹽利
通一歲計之共三千二百萬此當時大臣所對財用
所入之數也夫以淮浙鹽利一節自足以當國家支
費之數此外又有諸路之賦所入不知其幾倍矣三
十年十二月二十一日戶侍錢端禮言以紹興二十
九年一歲之用編類成冊詔戶部條具均節聞奏

乾道會計錄

乾道元年十一月十七日執政進呈戶部每歲收支
總數十八日復呈細數六年五月丁丑詔依皇祐元
祐紹興作會計錄從發運史正志之請也七月二十

八日詔戶侍王佐造簿籍淳熙六年十二月丁未臣僚請爲會計錄上曰向者欲爲此錄緣取民太重色目太多若遽蠲則妨經費須他日恢復之後乃可盡除之十三年九月己未詔輔臣以每月財賦冊進呈欲知豐耗淳熙十年八月輔臣奏封樁庫錢及三千萬餘緡及奏內外樁積緡錢四千七百餘萬十三年庫中所儲金至八十萬兩銀一百八十六萬餘兩下庫見緡常五六百萬先是六年四月左藏封樁庫言緡錢五百三十萬

乾道度支都籍 參考上計錄

會計

乾道四年六月度支卽趙不敵言今一歲內外支用之數大槩五千五百萬緡有奇賦八分隸於戶部之五司支用悉經度支臣置爲都籍會計窠名總爲揭貼請付本曹自茲歲一易之先是二年正月癸亥十日知秀州孫大雅奏書四卷名曰州郡拘催上供錢物格奏入詔大雅奏漢上計之法可行於今令侍從臺諫參考古制御史張端實劉貢言漢上計之制不能無敝今日能盡革其僞乎在東漢則遠方未必皆至今川廣能如期而至乎莫若歲終令戶部造冊進呈選一人考覈而明其殿最戶侍曾懷請立式行下

從之其年三月丁未也。先是戶部有上中末限之格，法有月旬五日之期，會歲終以常平收支戶口租稅造冊進呈，而州郡窳日尚略。

隆興元年三月議節浮費，置局於戶部，於是省官吏，負減貴戚俸。

紹熙會計錄

紹熙元年五月甲戌置紹熙會計錄，命戶書葉翥等為之，仍自宮掖始以慶曆隆興為法，從戶侍趙彥逾之請也。二年正月辛未丁丑兩降旨，後亦未聞有所減。

會計

紹熙三年吏部郎陳傅良奏自建隆至景德四十五年南征北伐未嘗無事，而金銀錢帛糧草雜物七千一百四十八萬計。在州郡不會祥符元年三月始奏立諸道上供歲額，熙寧新法增額一倍，崇寧重修上供格，頒之天下，率一路之增至十數倍。熙寧有令項封樁，元豐有無額上供，迄今為額宣和經制紹興摠制月樁取之悉而民困極矣。

慶元會計錄

慶元二年三月用殿中侍御史姚愈建請，命金部郎中趙師炳戶部郎中楊文炳編集以會計司為名。三

年三月書成六月十九日戶部言以紹熙元年至慶
 元元年左藏庫諸倉并總領所出納增損及十二路
 州軍窠名錢參究源流登耗為慶元中外會計錄分
 五十八冊已進呈復條具撙節之數上之宮掖出入
 之數令內侍自稽考九月議者言裁抑當先宮禁詔
 侍從臺諫兩省集議吏書許及之等請內庭裁約中
 制立為定額從之嘉泰元年九月臣僚言戶部歲入
 約一千八百餘萬支數僅亦相當姚愈言熙豐間月
 支三十六萬宣和
 未用二百二十萬渡江之初連年用兵月支猶不過
 八十萬比年月支百二十萬大略官俸居十之一吏
 祿十之二兵
 廩十之七

會計

端平會計錄

元年

唐制總制邦用度支是司出納貨財太府收藏凡是
 太府出納皆稟度支文符太府依符以奉行度支憑
 接以勘覆互相關鍵用絕姦欺出納之數每旬申聞
 見在之數每月計奏皆經度支勘覆又有御史監臨
 陸贄奏議舊制天下財賦皆入左藏庫而太府四時
 以數聞尚書比部覆出納揚炎傳國朝三司有帳
 案內自府庫外至州縣歲會月計以上三司自治平

二年至熙寧二年十一月凡四年而未鈎考帳已的
十有二萬錢帛物粟積其虧損不可勝計遂置提舉
帳司領之元豐官制行釐其事歸比部參掌鈎考
中外帳籍之事周官宰夫所謂乘其財用之出入者
也轉運司常以計帳申省三司鈎改無法至道初
置行帳司以會財用之數命邊肅主之

葉適云王安石大挈利柄封椿之錢所在充滿紀聖
元符間拓地進築而歛不及民熙豐舊人矜伐其美
然陳瓘譏切曾布以為轉天下之積耗之而邊邦本
自此撥矣於是蔡京變茶鹽法括地室走商賈所得

五千萬內窮奢侈外熾兵革宣和之後方鵬南平壤
傷殘之地則七色始立熙雲乍復急新邊之用而
夫又與自是以來羽檄交警增取之目大者十數而
東南之賦遂以八千萬緡為額焉

神宗時歲百五十萬元豐月三十六萬宣和月百二
十萬渡江之後月八十萬休兵之後循習承平舊典
費與宣和等然未月支亦二十萬

玉海卷第一百八十六

浚儀王應麟伯厚甫

食貨

理財

虞乘馬筴

管子威公問曰請問乘馬曰國無儲在令虞國得筴
乘馬之數矣公曰何謂管子曰百畝之夫子之筴率
二十七日為子之春事資子之幣春秋子穀大登國
穀之重去分謂農夫曰幣之在子者以為穀而廩之
州里國穀之分在上國穀之重再十倍謂遠近之縣

聖邑皆當奉器械備曰國無幣以穀準幣此有虞之筴乘馬也

湯輕重筴 地數

管子威公問曰地數可得聞乎管子曰地之東西二萬八千里南北二萬六千里其出水者八千里受水者八千里出銅之山四百六十七出鐵之山三千六百九此所以分壤植穀也戈矛之所發刀幣之所起也能者有餘拙者不足封泰山禪梁父者七十二家得失之數皆在此內是謂國用昔有桀霸有天下而用不足湯有七十里之薄而用有餘天非獨為湯雨

菽粟而地非獨為湯出財物也伊尹善通移輕重開闔次塞通於高下徐疾之筴坐起之費時也公曰請問天財所出地利所在曰山上有赭者其下有鐵上有鈔者其下有銀一曰上有鈔者其下有銚銀上有丹沙者其下有銚金上有慈石者其下有銅金此山之見禁者也

齊管子輕重 九府書 七筴

漢志管子仲相威公通輕重之權曰民有餘則輕之故人君斂之以輕民不足則重之故人君散之以重管子輕重篇 地數篇管子曰昔者武王有巨橋之

粟貴糴之數立重泉之成令曰人有粟者不行人舉
所景粟以避重泉之成而國穀二十倍巨橋粟亦二
十倍楚有汝漢之金齊有渠展之鹽燕有遼東之煮
此三者亦可當武王之數 揆度篇管子曰燧人以
來未有不以輕重為天下也堯舜之王此用禹氏之
玉南貴江漢之珠令諸侯之子將委質者皆以雙虎
之皮卿大夫豹飾列大夫豹幡大夫散其邑粟財物
以市虎豹之皮此堯舜之數也威公問管子曰吾聞
海內玉幣有七筴可得而聞乎對曰陰山之瑤嶧燕
之紫山白金發朝鮮之文皮汝漢水右衛之黃金江

陽之珠秦明山之曾青禹氏邊山之玉此謂以寡為

多以狹為廣天下之數盡於輕重矣又山至數篇管子

也江陽之珠一筴也秦明山之曾青輕重乙篇威

公曰吾欲殺商賈之利益農夫之事對曰請重粟之

價 輕重丁篇威公曰欲西朝天子而賀獻不足為

此亦有數乎管子對曰使玉人刻石以為璧管子西

見天子曰諸侯不以彤弓石璧者不入朝諸侯載金

玉五穀布帛輸齊以收石璧威公曰崢丘之戰民多

稱貸負息以給上之急管子對曰表稱貸之家聖其

門而高其閭使使者式壁聘之 鹽鐵論文學曰管

仲設九府徼山海 史記管仲傳太史公曰吾讀管子
 氏牧民山高乘馬輕重九府注劉向別錄曰九府書
 民間無有索隱曰皆管仲著書篇名九府蓋錢之府
 藏其書論鑄錢之輕重 貨殖傳管子設輕重九府
 威公以霸

魏平糶

漢食貨志李悝既為魏文侯作盡地力之教又曰糶
 甚貴傷民甚賤傷農民傷則離散農傷則國貧故甚
 貴與甚賤其傷一也善為國者使民傷而農益勸今
 一夫挾五口治田百畝歲收晦一石半為粟百五十

石

石除什一之稅十五石餘百三十五石食人月一石
 半五人終歲為粟九十石餘有四十五石石三十為
 錢千三百五十除社閭嘗新春秋之祠用錢三百餘
 千五十衣人率用錢三百五人終歲用千五百不足
 四百五十不幸疾病死喪之費及上賦歛未與此農
 所以常困有不勸耕之心而令糶至於甚貴者也是
 故善平糶者必謹視歲有上中下熟上熟自餘四百
 石中熟自三餘三百石下熟自倍餘百石小飢則收
 百石中飢七十石大飢三十石故大熟則糶三而舍
 一中熟則糶二下熟則糶一使民適足價平則止小

飢則發小熟之所斂中飢則發中熟之所斂大飢發大熟之所斂而糶之故雖遇飢饉水旱糶不貴而民不蒙取有餘而補不足也行之魏國國以富強常平乃古法周官司稼以年之上下出斂法出則減價糶斂則增價糶也是非常平乎自鄭氏以出其斂法為解後人遂攻周禮耳孟子曰狗彘食人食而不知飲塗有餓莩而不知發今文作檢漢食貨志作斂是也今世言常平出景中丞不知乃古法

漢平準 均輸

史記平準書

食貨志武帝元狩間

以東郭咸陽北

僅為大司農丞領鹽鐵而桑弘羊貴幸孔僅使天下鑄作器三年中至大司農而弘羊為大司農中丞管諸會計事稍稍置均輸以通貨物元封元年卜式貶為太子太傅以弘羊為治粟都尉領大司農盡代僅幹天下鹽鐵弘羊以諸官各自市相爭物以故騰踊而天下賦輸或不償其僦費乃請置大農部丞數十人置均輸鹽鐵官令遠方各以轉販者為賦而相灌輸置平準於京師都受天下委輸召工官治車諸器皆仰給大農大農諸官盡籠天下之貨物貴則賣之賤則買之如此富商大賈無所牟大利則反本而萬

物不能騰踊故抑天下之物名曰平準天子以爲然而許之於是天子北至朔方東封太山循海上芻北邊以歸所過賞物用帛百餘萬疋金錢以鉅萬計取足大農弘羊又請令民得入粟補吏及罪以贖令民入粟甘泉各有差以復終身不復告緡他郡各輸急處以諸農各致粟山東漕益歲六百萬石一歲之中太倉甘泉倉滿邊餘穀諸均輸帛五百萬匹民不益賦而天下用饒

鹽鐵論文學曰今郡國有均輸與

民爭利是以百姓就本寡而趨末衆願罷均輸大夫曰往者郡國諸侯各以其物貢輸往來煩雜物多苦

惡故部置輸官以相給運以便遠方之貢故曰均輸開委府于京師以籠貨物是以縣官不失實商賈無所利故曰平準文學曰古者賦稅於民也農人納其獲女功效其職今釋其所有貢其所無百姓賤買貨物以便上求未見輸之均也縣官猥發闔門擅市物騰踊則商賈利自市則吏容姦豪吏富貴儲物以待急輕賈姦吏收賤以取貴未見準之平也古之均輸所以齊勞逸便貢輸非以爲利也

嘗觀巨寬之論從大夫之計則

曰脩鄣塞備屯戍必蕃貨長財以禦不軌通有無調緩急必建本抑末以制豪人文學之策則曰廣道德開仁義必本脩民愨以興教化遏貪鄙醇至誠必防塞利門以勸農業

管子通輕重

之權曰凡輕重歛散之以時則準平。地理志千乘

郡有均輸官。百官表大司農屬官有均輸平準令

丞水衡都尉屬官有均輸令丞四丞。黃霸傳河東

均輸長。趙廣漢傳舉茂才為平準令。續志平準

令一人六百石掌知物賈主練染屬大司農均輸等

皆省。劉盆子傳光武賜滎陽均輸官地以為列肆

使食其稅。朱暉傳肅宗召拜尚書僕射尚書張林

上言宜自交趾益州上計吏來市珍怪武帝所謂均

輸也詔議之暉曰均輸之法與賈販無異非明王所

宜行帝卒以林言為然。後紀靈帝熹平四年十月

貨財

改平準為中準使宦者為令列於內舍。六典注和

帝改平準為中準以宦者為令丞。晉少府有平準令

丞唐因之。周禮地官質人中士二人下士四人。主

定物賈者掌成市之貨賄珍異凡賣儻者質劑稽市之書

契同其度量壹其淳制。王莽立五均官六幹

漢權酷

紀武帝天漢三年二月初權酷。昭帝始元六年二

月議罷權酷七月罷權酷官令民得以律占租賣酒

升四錢。志莽時羲和魯康令官作酒。賈捐之

傳元帝初上書今天下民賦數百造鹽鐵權酒之利

以佐用度猶不能足。

翟方進傳上賜冊曰制詔下

君君云賣酒醪後請止未盡月復奏議令賣酒醪。

鹽鐵論大夫以心計策國用參以酒權。

陳天嘉中虞荔奏請權酤隋開皇三年罷唐廣德二

年十二月勅天下州量定酤酒戶隨月納稅大曆十四年七月辛卯罷

建中三年官自酤正月辛未復權酤收利助軍費正元二年

十二月行權酒法每斗權一元和六年罷京師酤肆大

和八年二月九日罷京師權酤王仲舒罷江西酤錢九

酒有權非古也妹土之誥萍氏之幾文帝之詔皆害

之懲匪利之奪也文帝後元年三月詔為酒醪以糜穀者多景中三年夏旱禁酤酒

漢司農少府錢穀

周禮司勳疏先鄭云祿田亦有給公家之賦貢舉漢

法侯國有司農少府錢穀者漢法穀入司農錢入少

府鍾離意傳張恢坐臧以資物簿入大司農詔賜

降胡子縑帝見司農上簿

唐廣關輔糴

食貨志正觀開元後邊土西舉高昌龜茲焉耆小勃

律北抵薛延陀故地緣邊數十州戍重兵營田及地

租不足以供軍於是初有和糴牛仙客為相開元二

九月有彭果者獻策廣關輔之糴京師糧廩益羨自

萬曆十六年

王母卷百八十六

監生莊朝宰

是元宗不復幸東都天寶中歲以錢六十萬緡賦諸道和糴斗增三錢每歲短運京倉者百餘萬斛米賤則少府加估而糴貴則減價而糴八年關內河東河西隴右和糴一千五百三十一萬九千五百三十一石正元初吐蕃劫盟諸道兵十七萬戍邊關中為吐蕃蹂躪者二十年矣北至河曲人戶無幾諸道戍兵月給粟十七萬斛皆糴於關中宰相陸贄以關中穀賤請和糴可至百餘萬斛計諸縣船車至太倉穀價四十餘米價七十則一年和糴之數當轉運之二年一斗轉運之資當和糴之五斗減轉運以實邊存轉運以備時通監正元八年九月減江運米令京兆邊鎮和糴要

之江淮米至河陰者罷八十萬斛河陰米至太原倉者罷五十萬太原米至渭橋者罷二十萬以所減米糴江淮水苗州縣斗減時五十以救之京城東渭橋之糴計增時三十以利農以江淮糴米及減運直市帛送上都帝乃命度支增估糴粟三十萬斛然不能盡用贄議贄奏是錯論安邊之策要在積穀乞國建破羌之說務在屯田憲宗初有司以歲豐請畿內和糴會要證聖元年三月二十一日勅州縣不得輒取和糴物興元元年閏十月詔度支於淮浙加價和糴三十五萬石減價出糴正元四年八月詔京兆加估和糴先給直所司自運長慶

元年三月戊申以春農方興停京北京西和糴使是

度支以邊儲無備請置使四年八月詔關內

外折糴和糴一百五十萬石寶曆元年八月詔兩京

河西和糴二百萬斛趙克國曰金城湟中穀斛八錢

不敢動矣中丞請糴百萬斛乃得四十萬斛耳列傳鄭覃擢諫議大夫憲

宗取五中官為和糴使覃奏罷之杜佑建中初為

和糴使羅珣遷京兆尹請減平糴半以常賦充之

歸融傳有平糴官官志比部掌句會內外賦歛經

費俸祿及和糴屯收所入

平糴之令始於李悝景壽昌開常平之法至晉齊不

能廢晉武帝欲立平糴法見常平倉後魏定和糴之制北齊築富人

之倉隋置監唐置東西市之糴其法一也宋建隆間

始因河內之稔脩邊糴之事至淳化而天下之糴大

備

唐常平法

見常平倉

唐市舶使

傳柳澤開元中二月十日嶺南市舶使周慶立造奇器

以進澤上書曰露臺無費明君不忍象箸非大忠臣

憤歎王方慶廣州都督南海舊有崑崙舶市外區

嘉靖丁巳年

監生趙阻易刊

珠琲秋豪無所索。孔戣拜嶺南節度使，蕃舶泊步，有下碇稅，始至有關貨，宴犀琲下及僕隸，戣禁止之。盧鈞節度嶺南海道商舶，始至，異時帥府爭先往，賤售其珍，鈞一不取。正元中，嶺南請於安南置市，舶中使陸贄奏曰：「玉毀櫝中，是將誰咎？珠飛境外，安可復追？」書曰：「不貴異物，則遠人格，豈必重中使輕外使？」

宋朝開寶四年六月壬申，廣州兼市舶使。初置，後又置于枕渟化中，徙于明之定海。明年復置于杭，咸平中，杭明各置司。海舶至者，視所載，十筭其一，市其三。

四元豐三年八月二日，廣閩浙並以漕臣兼提舉。元祐二年十月六日，增置于泉州。三年三月，置于密州。崇寧元年七月，復置于杭。明大觀元年三月癸卯，復置提舉官。建炎元年七月己亥，閩浙併于漕臣。二年五月丁未，復置。四年二月，復置廣司。紹興二年七月甲子，廢閩司。八月，併罷廣浙提舉官。已而閩廣復置。乾道二年，罷兩浙提舉市舶。海舶歲入象犀珠寶香藥之類，皇祐中五十三萬有餘，治平中增十萬。中興歲入二百萬緡。

唐和市法

裴耀卿傳為長安令，舊有配戶和市場法，人厭苦耀卿責豪門坐賈，豫給以直，絕僦欺之弊。
百官志金部掌和市場之事。

宋朝天聖四年二月庚午，置西界和市場。和預買起於興國七年。景德二年二月，諸道歲市紬絹百餘萬匹，上供減三分之一，每匹給錢千，後以虛券充數，以鹽折支。其後以歲額科納，建炎三年九月，蠲四之一以寬民。河北榷場四，陝西二。太平興國七年，幽薊還師，始置榷場于靜戎軍，李允則典其事。慶曆四年十二月辛亥，置保安靜戎軍榷場。

理財一

唐陸贄均節財賦六條

正元十年五月，贄奏請均節財賦，凡六條：一論兩稅之弊，二請兩稅以布帛為額，不計錢數，三論長吏以增戶加稅，闢田為課績，四論稅限迫促，五請以稅茶錢置義倉以備水旱，六論兼并之家私歛重於公稅。

宋朝三司使 淳化總計使 熙寧會計

司會計式

度支使始於唐乾元元年，第五琦鹽鐵使亦始於琦。

國初沿後唐制，後唐長興元年張延明請置三併戶

部為三司使，凡二十四案，吏千餘人。建隆元年八月

高曆十六年

三母六百八十六

三

監生莊朝宰刊

李崇矩為使 乾德四年正月定考課之法與國增判官之員 與國元年十二月丁巳始置副使以賈琰為

之八年三月癸亥分三司各置使 淳化四年五月戊

申并為一使 魏羽判三司 判官六員 十月庚午置

二使分領左右計 魏羽董儼 閏十月巳酉置總計使

魏羽為之判左右計事左右計使分判十道事一分天

十道曰河南河北河東關西劍南淮南江南東

西兩浙廣南道東京為左計西京為右計各置判官

領之五年七月詔給御前印紙考課以別能否 五年

十二月辛丑三司復各置使 罷十道左右計 恕及王

延德張鑑領之兩京十道復歸三部三使各領一司

屬分相違簿書交錯緝條失序言論盈庭 咸平六年

六月丁亥復合為一使 以命魏準復置副 天聖元年

正月癸未命中丞劉子儀等與三司議裁減冗費審

元二年五月癸卯詔張若谷等減省冗費慶曆二年

四月戊寅命賈昌朝等省浮費嘉祐三年十一月癸

酉置減省司學士韓絳及陳升之呂景初等領之五

年五月丁酉置實恤民力司六月乙亥遣官往諸路

訪寬恤事六年八月乙卯命知諫院楊敞詳定寬恤

民力事遣使四出自是州縣力役多所裁損凡省二

章

萬三千六百二十三人先是詔條奏衙前之役為害
者治平元年十二月擇三司尤繁要者五員用資
人久任而責效熙寧三年八月二十八日命王
竊將三司令式十二月庚辰宰臣王安石提舉七年
三月八日三司勅式成四百卷十月十六日己卯詔
三司置會計司以宰臣韓絳提舉初絳奏三司總天
下財賦其出入之數並無總要考校盈虛之法三司
使亦請刪修為策歲校增虧故有是命八年六月二
十三日提舉三司會計司上一州一路會計式九月
十一日丁卯絳奏罷會計司元豐五年改官制四月

二十三日以三司使安燾為戶部尚書其屬

幹部倉部凡官十有三左曹五份案五設

唐劉晏為九使財賦悉歸于一宋朝始分為二而三

司使居中發運使居外相為表裏祖宗外置轉運

司以漕一路之賦內置三司使以總天下之財神宗

始分天下之財以為二司轉運司獨用民常賦與州

縣酒稅之課其餘財利悉收於常平司掌其發歛備

之以待非常之用罷三司而為戶部轉運之財則左

曹隸焉常平之財則右曹隸焉

開寶六年八月乙巳令諸州舊屬公使錢物盡數係

省毋得妄有支費以留州錢物盡數俵省始於此淳
化五年十二月二十一日初置諸州應在司具元管
新以已支見在錢物申省熙寧五年十月九日專置
司驅磨天下帳籍繼以旁通日子而天下無遺利而
公使錢始立定額

宋朝歲賦

國朝混一之初天下歲入緡錢千六百餘萬太宗以
為極盛兩倍唐室矣天禧之末所入又增至二千六
百五十餘萬緡嘉祐間又增至三千六百八十餘萬
緡其後月增歲廣至熙豐間合苗役市易等錢所入

理財

乃至六千餘萬元祐之初除其苛急歲入尚四千八
百餘萬渡江之初東南歲入不滿千萬逮淳熙末遂
增至六千五百三十餘萬今東南歲入之數獨上供
錢二百萬緡此祖宗正賦也其六百六十餘萬緡號
經制蓋呂頤浩在戶部時復之七百八十餘萬緡號
經摠制蓋孟庾秉政時創之陳傅良奏疏云宣和以
贍軍糴本與應奉司無
名之歛合而為經制紹興以稅
夫之類十餘色合而為摠制四百餘萬緡號月椿
後又均撥為蓋朱勝非當國時取之自經制以下皆
月椿大軍增賦也合茶鹽酒筭坑冶權貨糴本和買之入又四
千四百九十餘萬緡宜民力之困矣政和間陳亨

萬曆丁亥年

監生李亨文徵刊

伯為陝西轉運使始議創經制錢大率添酒價取量

錢增稅額分稅錢一官賣契紙契頭子公家出納每千收

二十積之眾其後行之東南又行之京東西河

北歲入數百萬緡靖康初廢建炎二年十月癸亥戶書

呂頤浩翰學葉夢得請復之於是先取鈔旁定帖錢

命提刑掌之毋得擅用經制錢自此始建議於陝西

後乃行於東南總制之法創於紹興五年四月已

未參政孟庾請頭子錢增十錢癸亥收者戶長雇錢

等辛未收人戶合零就整等錢八月已酉又收常平

五文頭子錢並令諸州通判諸路提刑拘催一本云

理財

年閏二月二十五日已巳參政孟庾置總制司以稅

賦合零就整者別置籍拘收無額窠名尤多取最高

請改立經總制歲額從中制二十六年七月賀允中

專委俸貳歲入至一其後東南諸路歲收總制錢七

百八十餘萬緡而四川不預大凡東南經總二司錢

歲收一千四百四十餘萬緡四川歲收五百四十餘

萬緡江浙月椿錢自紹興二年始自願浩勝非並

相以軍國不足創取江浙湖南諸路大軍月椿錢以

上供經制係省封椿等克數

崇寧三年十一月始立上供錢物新格宣和元年戶

部稽攷諸路上供錢物之數方今版圖僅及承平之

萬曆丁亥年

三

一

監生汪可臣刊

半而賦入過宣和之數

天聖節浮費

紀天聖元年正月癸未命官同三司議節浮費丁亥命官較茶鹽礬稅歲入登耗以聞二月庚申命張卞遂呂夷簡魯宗道議茶鹽法三月甲申詔比者營造土木多內侍傳宣不關有司工費無節自今先由三司度實用然後給之明道二年四月壬子詔內外毋得進獻以祈恩澤寶元二年五月癸卯命近臣同二司詳定節省浮費六月壬戌詔曰自乘輿服御及宮掖所須宜如前詔務從簡約若吏兵祿賜母得裁減

慶曆二年四月戊寅命御史中丞諫官同三司較景德以來用度罷其不急者五月壬子減皇后及宗室婦郊賜之半乙丑罷左藏庫月進錢三年正月辛巳詔輔臣議蠲減天下羨徭賦斂七年三月癸未詔求寬恤民力之事聽官吏驛置以聞上其副于轉運利害明白者轉運額行之皇祐二年正月壬子命近臣同三司較天下財賦出入之數五年五月戊申詔轉運使毋得掊刻百姓取羨餘以助三司嘉祐三年九月癸酉議罷榷分法十月癸亥除河北鹽錢十一月癸酉議減冗費十二月乙巳詔三司歲上天下稅賦

之數三歲一會虧贏以聞四年二月己巳罷榷茶三月戊戌命近臣同三司減定民間科率五年四月丙戌命近臣同三司議均稅六月乙亥遣官分行天下訪寬卹民力事 志天聖初命三司及中丞劉均等取景德一歲用度較天禧所出省其不急者寶元中賈昌朝言省不急用度命密學張若谷諫議任中師司諫韓琦議省冗費琦言當自掖庭始取賜予支費之數裁爲中制詔內侍省裁定有司不與西兵久不解財用益屈詔內侍以先帝時及天聖初籍較近歲禁中用度增損外則命中丞賈昌朝諫官田况張方

平同三司議省冗費內出詔書減皇后至宗室婦郊祠所賜之半著爲式公卿近臣以次減時王堯臣爲三司使取陝西河北河東三路未用兵前及用兵後歲出入財用之數會計以聞至和中諫官范鎮上疏令中書主民樞密院主兵三司主財各不相知財已匱而樞密院益兵不已民已困而三司取財不已願使中書樞密通知兵民財利大計與三司量其出入制爲國用則民力少寬嘉祐三年樞副張昇請罷民間科率及營造不急之物於是置減省司於三司命學士韓絳陳升之御史呂景初總其事多所裁省

景祐元年程琳上疏河北歲費芻糧千二十萬其賦入支十之三陝西歲費千五百萬其賦入支十之五餘悉仰給京師范鎮奏疏備契丹莫若寬河北河東之民備靈夏莫若寬關陝之民備雲南莫若寬兩川湖嶺之民備天下莫若寬天下之民民力寬則知自愛知自愛雖有外厄人人可用為兵用人人自愛之兵以禦外虞何往而不克司馬光言為今之術在隨才用人而久任之養其本原而徐取之減損浮冗而省用之

至和便糴

建隆元年正月丁未詔河北歲豐穀賤命使置場增價以糴至道二年八月以歲豐糴於江浙淮三年五月詔三司市糴咸平六年九月出內府綾錦糴於河北景德元年九月出內府銀糴於天雄祥符五年五月又出內帑緡錢命三司博糴先是三年九月罷江陝西平糴天禧元年十一月減河北便糴天聖元年七月十七日命朝臣往河北沿邊提舉便糴六年十一月京西穀斗十錢命三司市糴至和二年薛向言河北糴法之弊歲費錢五百萬得百六十萬斛才直二百萬緡十一月已未詔向提舉便糴治平元年八月十六日罷之以屬

漕臣

元祐元年五月一日李常請復置紹聖四年四月罷

元豐七年八月十六

日給戶部右曹錢六千萬充陝西邊糴乾道元年正

月二十日農少張宗元言輦下供餽歲用糧一百五

十餘萬石二浙苗米不過八十餘萬七十萬皆仰收

糴紹興十八年閏八月甲子命臨安平江府淮東

西湖北三總領歲糴米百二十萬石有奇先是八年

四月庚申初置戶部糴場於臨安

建炎提舉戶部財用

建炎元年六月壬午戶書張慤同知密院李綱請以

版曹事委之七月二十五日命慤兼提舉措置戶部

財用十二月

日曆九月丁未

戶書黃潛厚為延康殿學士提

舉醴泉觀同提舉措置紹興五年閏二月丁卯二十

詔足食足兵今日先務戶書章誼專功措置財用參

政孟庾提領已巳庾乞以總制司為名七月已卯沈

與求以參政兼措置財用

孟庾以提領措置財用為名與求止云兼權措置

三十二年四月已巳吳芾言大農之財一歲所入幾

五千萬而內藏激賞不與焉會其多寡比景德全盛

時十增其四地不足而賦加多建炎三年三月尚

書左丞葉夢得除資政殿學士提舉中太乙宮兼侍

讀提舉戶部財用

夢得辭不拜

嘉熙四年五月與權以端

萬曆丁亥年

嘉熙四年五月

監生王可臣刊

明殿學士提舉萬壽觀提領戶部財用

兼侍讀

紹興未始造楮乾道四年造成第一界纔一千萬耳至七年行第二界即置局收第一界自是率以爲常淳熙六年始疊用第六第七兩界共四千八百餘萬其後又以第八界收換第六界兩界之數增至六千二百餘萬自是每界增至四千萬兩界並行止八千萬開禧用十一十二兩界調度不給又出十三界併行遂增至十四千萬嘉定初出十四十五界共八千萬以收三界以一易二嘉熙中四十一千萬有奇孝宗用錢端禮策用會子先積見錢以爲之母所出

不過二千萬三年一界必與換易紹熙間印出寔多其後每當兌界輒復展年至開禧累界之數凡一億萬餘過隆興元額幾五倍矣

紹興復常平法

常平之政有提舉官自熙寧始建炎元年六月併歸提刑司常平之財所存一二猶以億萬計二年八月癸丑朔復諸路常平官十月壬戌詔翰學葉夢得等討論常平法條具取旨青苗歛散永不施行又命戶書呂頤浩十二月戊午頤浩等言此法不宜廢如免役坊場亦可行惟青苗市易當罷三年正月庚寅追

還糴本紹興八年冬李光言常平法本於耿壽昌豈
可以安石而廢九年復提舉官使掌其政十五年八
月已未復命提舉茶鹽官兼領常平先是三年正月
已未命憲臣兼提舉常平

乾道制國用使

乾道二年十二月辛卯詔宰相兼制國用使參政同
知國用事以三省戶房庶幾上下同德永底阜康二
年二月庚申詔國用司具官禁百官二司將校軍人
月支數及泛用造冊以進永為定式五年二月戊申
一十罷制國用司併歸戶房八年正丞相官名四月

詔丞相事無不統其兼制國用與參政更不入銜嘉
泰四年十二月五日詔右丞相兼國用使參政同知
國用事侍從卿監為參計同參計官參考內外財賦
所入經費所出會計而總覈之

周以冢宰制國用質歲漢以丞相調軍食唐以宰相

兼度支元和二年八月辛酉宰開寶五年十一月

庚辰命參政薛居正兼提點三司呂餘慶天聖元

年詔三路軍儲出山澤之利移用不足二府大臣其

經度之遂置計置司司馬光請以宰相領總計之

職

慶元役法撮要

淳熙十四年二月十四日中書舍人陳居仁請下勅
 令所取祖宗免役舊法并紹興十七年後續旨參考
 刪修為一書名曰役法撮要後敕局中廢事寢慶元
 二年九月二十一日吏書許及之言勅局修海行法
 令求以便民者莫切於役法請以新舊法刪潤成一
 書赴尚書省審訂然後繕寫進呈鏤板放天下六年
 四月十五日上之凡一百八十九卷并慶元寬恤詔
 令四百二十六卷同進 始繇踐阼萃三百餘事之
 詔書上踵中興別二十五章之役要 紹興十七年

十一月丙寅宰臣上紹興常平免役敕令格式四百
 九十九卷詔鏤板頒之

王治卷百八十六終



